

# PLANSTRATEGI

FOR

BOKN KOMMUNE

2019 - 2023

## Innhald

<b>Samandrag (inkl. framlegg til prioritering av planoppgåver) .....</b>	<b>3</b>
<b>Føremålet med kommunal planstrategi – prioritering av kommunen sitt planbehov i valperioden .....</b>	<b>4</b>
<b>Kommunen sitt plansystem.....</b>	<b>7</b>
<b>Kommuneplan .....</b>	<b>7</b>
<b>Kommunedelplan .....</b>	<b>7</b>
<b>Områderegulering .....</b>	<b>7</b>
<b>Detaljregulering.....</b>	<b>7</b>
<b>Fag- og temaplanar .....</b>	<b>7</b>
<b>Tiltaksplan (handlingsplan) .....</b>	<b>7</b>
<b>Erfaringar med (evaluering av ) gjeldande kommuneplan .....</b>	<b>8</b>
<b>Overordna føringar som har betydning for kommunen sitt planbehov .....</b>	<b>9</b>
<b>Nasjonale forventningar .....</b>	<b>9</b>
<b>Regionale føringar og planar ( Regional planstrategi).....</b>	<b>10</b>
<b>Interkommunalt samarbeid .....</b>	<b>10</b>
<b>Utviklingstrekk og utfordringar .....</b>	<b>11</b>
<b>Vurdering av planbehovet.....</b>	<b>12</b>
<b>Revisjon av kommuneplanen (samfunnsdel og arealdel) .....</b>	<b>12</b>
<b>Kommunedelplanar (areal eller tema) .....</b>	<b>13</b>
<b>Større reguleringsplanar som kommunen vil utarbeide (områderegulering) .....</b>	<b>13</b>
<b>Tema og sektor(fag)planar som ikkje føl plan- og bygningslova .....</b>	<b>14</b>
<b>Matrise med oversyn over eksisterande og aktuelle planar .....</b>	<b>14</b>
<b>Framlegg til prioritering av planoppgåver .....</b>	<b>20</b>

## Samandrag (inkl. framlegg til prioritering av planoppgåver)

Å planleggje for framtida er utfordrande. Det fine er at utfordringar styrkjer oss; samspelet politikk og forvaltning gjev retning slik at planlegging, som verkjemiddel, kan iverksetjast.

Føremålet med kommunal planstrategi er å klargjere kva planoppgåver kommunen bør starte opp eller vidareføre for å leggje til rette for ei ynskt utvikling i kommunen. Planstrategien set eit sterkt fokus på at planleggjinga skal vera behovsstyrt. Den skal ikkje gjerast meir omfattande enn naudsynt. Eit viktig siktemål med planstrategien er å styrkje den politiske styringa av kva planoppgåver som skal prioriterast. Som eit resultat av dette tilrettelegg ein for at aktuelle, kommunale utfordringar kan møtast på ein kunnskapsbasert og systematisk måte.

For komande valperiode vert fylgjande prioriteringsliste lagt til grunn for planarbeidet i kommunen:

### *Kommuneplan/kommuneldelplanar:*

1. *Revidering av arealdelen av kommuneplanen (omfang av revideringa vert nærare avklara i planprogrammet)*

### *Reguleringsplanar:*

1. *Områdeplan Knarholmen*
2. *Detaljregulering av nordre del av Føresvikvegen*
3. *Områdeplan Føresvik*

### *Temaplanar/sektorplanar:*

1. *Utarbeide hovudplan VA*
2. *Revidere Energi – og klimaplan*
3. *Revidere Trafikksikkerhetsplan*
4. *Plan for samordning offentleg/frivillig sektor*
5. *Utarbeide Oppvekstplan*
6. *Revidere heilskapleg ROS*
7. *Revidere beredskapsplan*
8. *Revidere finansreglement*
9. *Revidere delegasjonsreglement*
10. *Utarbeide Plan for rekreasjon og aktiv fritid*
11. *Utarbeide Plan for fiskeri/havbruk – NB! Krever avklaring evt. regionalt planarbeid som sikrar kommunen sine planinteresser*

### *Interkommunale planar:*

1. *Evt. regionalt plansamarbeid fiskeri/havbruk – sjå pkt.11 under «Temaplanar/sektorplanar»*

Ein planstrategi er ikkje ein plan. Den har heller ingen rettsverknad for innbyggjarane i kommunen og det kan ikkje fremjast innsigelsar mot den.

## Føremålet med kommunal planstrategi – prioritering av kommunen sitt planbehov i valperioden

Miljøverndepartementet har laga ein vegleiar for arbeidet med kommunal planstrategi. Denne inneheld følgjande hovudpunkt:

- Kommunal planstrategi som verktøy for bedre kommunal planlegging
- Nærmere om lovbestemmelsen
- Kommunal planstrategi og kommuneplanleggingen
- Forholdet mellom kommunal- og regional planstrategi og nasjonale forventninger
- Det praktiske arbeidet med kommunal planstrategi

I det vidare er det teke utgangspunkt i, og sitert frå denne vegleiinga.

Kommunal planstrategi var eit nytt planverktøy som kom med plan- og bygningslova av 2008. Føremålet er å klargjere kva planoppgåver kommunen bør starte opp eller videreføre for å legge til rette for ei ynskt utvikling i kommunen. Kommunal planstrategi erstattar det obligatoriske kravet til rullering av kommuneplanen som låg i tidlige plan- og bygningslov (PBL 1985).

Planstrategien set eit sterkt fokus på at planlegginga skal være behovsstyrt og ikkje gjerast meir omfattande enn naudsynt. Dette er også nedfelt i § 3-1 tredje ledd plan- og bygningslova om oppgåver og omsyn i planlegging etter lova.

Den kommunale planstrategien er eit hjelpemiddel for det nye kommunestyret til å avklare kva planoppgåver kommunen skal prioritere i valperioden for å møte kommunen sitt behov. Eit viktig siktemål er å styrke den politiske styringa av kva planoppgåver som skal prioriterast. Arbeidet med kommunal planstrategi vil gi ei betre og meir systematisk vurdering av kommunen sine planbehov slik at kommunen betre kan møte dei aktuelle utfordringane. Gjennom vedtaket av den kommunale planstrategien skal det nye kommunestyret ta stilling til om kommuneplanen heilt eller delvis skal reviderast.

Planstrategien er også eit eigna verktøy for å vurdere kommunen sitt plansystem, planressursar og samla planbehov i kommunestyreperioden knytt til kommunedelplaner, tema- og sektor(fag)planer.

Kommunal planstrategi skal utarbeidast og vedtakast seinest eitt år etter at kommunestyret er konstituert. Fylkestinga skal i løpet av den same perioden vedta ein regional planstrategi som skal avklare dei regionale planbehova. Denne samtidigeita opnar for betre samhandling om planoppgaver, og i tillegg ei betre oppfølging av vedtekne planar, som går på tvers av kommune- og fylkesgrenser. Fylkeskommunen bør i samarbeid med kommunane utarbeide eit opplegg som sikrar samordning.


Kommunal planstrategi er ein viktig arena for å drøfte og avklare behov for interkommunal planlegging. Dette kan gjelde både innafor arealplanlegging og tenesteyting.

Den kommunale planstrategien er ikkje ein plan.

Kommunal planstrategi er følgeleg ikkje ein arena for å vedta mål og strategiar, men å drøfte utviklingstrekk i kommunen som samfunn og organisasjon som grunnlag for å vurdere planbehovet i kommunestyreperioden.

Planstrategien er retningsgivande for kommunen si planlegging og har inga direkte rettsverknad for kommunen sine innbyggjarar. Det kan ikke fremjast motsegn mot kommunal planstrategi.

Forslag til vedtak av kommunal planstrategi skal gjerast offentleg i minst 30 dagar før kommunestyret si handsaming. Kommunen bør vurdere om det er behov for brei medverknad og ålmenn debatt ut over dette, men lova set inga krav. I mange kommuner vil det heller vere naturleg å legge opp til ein brei medverknad i planprosessane som følgjer etter at planstrategien er vedteken, framfor å legge opp til ein brei medverknad om planbehovet.




Figur 1. Kommunal planstrategi i det kommunale plansystemet.

Kommunar kan i vedtak av den kommunale planstrategien vedta at heile kommuneplanen, samfunnsdelen åleine, eller arealdelen åleine skal reviderast utan å gå nærare inn på innhaldet i revisjonsarbeidet. Rammer og føresetnader for revisjonsarbeidet, prioriterte tema, alternative strategiar, opplegg for medverknad mv. vil då bli avklåra i planprogrammet for kommuneplanprosessen.

Dette vil gje ei klår arbeidsdeling mellom den kommunale planstrategien og planprogrammet

for kommuneplanrevisjonen.

I dei politiske diskusjonane om korvidt og i kva grad kommuneplanen skal reviderast vil planbehovet kunne avgrensast til særskilte tema eller satsingsområde. Til dømes vil eit nytt kommunestyre kunne ønskje endringer i kommunen sin bustadpolitikk, næringspolitikk, miljøpolitikk eller utbyggingsmønster, samanlikna med gjeldande kommuneplan. Det kan også vere ønskje om å legge større vekt på nye satsingsområde, som for til dømes folkehelse. Øvrige deler av kommuneplanen kan det være ønskjelig å videreføre utan vesentlege endringer. Ved vedtak av kommunal planstrategi kan kommunestyret då gje rammer og et mandat for revisjonsarbeidet, og avgrense det til særskilte tema jf. figur 2.



Figur2. Forholdet mellom planstrategien og kommuneplanprosessen

## Kommunen sitt plansystem

Det finns ei rekkje plantyper både på statleg, regionalt og kommunalt nivå og med ulik grad av detaljering. Dette for å sikre hensiktsmessige verkty til å styre samfunnsutviklinga slik ein ynskjer.

**Kommuneplan** Alle kommunar skal ha ein kommuneplan. Ein samla kommuneplan består både av ein samfunnsdel med handlingsdel og ein arealdel. Ein kommuneplan er kommunen sitt overordna styringsdokument. Den gir rammer for utvikling og forvaltning av kommunen sine arealressursar.

**Kommuneplanen sin arealdel** samordnar viktige behov for vern og utbygging, slik at det vert lettare å utarbeide meir detaljerte planar og raskare å gjere vedtak i einskildsaker i tråd med kommunale mål og nasjonal arealpolitikk. Kommuneplanen sin arealdel fastlegg rammer for arealbruken i kommunen, og kvart fjerde år skal det vurderast om planen eller deler av den, skal reviderast.

**Kommunedelplan** er ein plan for eit nærare fastsett område, tema eller verksemdsområde. Den skal gje mål og strategiar bygd på dei langsiktige måla som ligg i kommuneplanen. Slike planar skal ha ein handlingsdel som skal rullerast kvart år.

Vi har to typer reguleringsplaner, områderegulering og detaljregulering. Det fylgjer av §§ 12-2 og 12-3. I plan- og bygningslova

**Områderegulering** vert gjennomført av kommunen, eller av andre på oppdrag frå kommunen, når det er behov for å gje meir detaljerte avklaringer av arealbruken.

**Detaljregulering** erstattar bebyggelsesplan i den gamle plan- og bygningslova, og vert nytta for mindre områder og gjennomføring av utbyggingsprosjekter og andre tiltak. Detaljreguleringsplanar kan fremjast av private aktørar, organisasjonar og andre mynde, og av kommunen sjølv.

**Fag- og temaplanar** vert laga for for eit bestemt fagområde eller tema. Plansystemet gjev ikkje klare føringar på når kommunedelplan bør veljast framfor fag- og temaplanar. Fag- og temaplanar har ikkje dei same formelle krav knytt til handsamingsprosessen som kommunedelplanar.

**Tiltaksplan (handlingsplan)** inneheld konkrete framlegg til tiltak for å oppnå ynskte målsetjingar i den overordna planen den er knytt til.

I arbeidet med **planstrategien** bestemmer kommunestyret kva planar som skal videreførast som dei er, kva som skal reviderast og eventuelt kva nye planar som skal lagast.

## Erfaringar med (evaluering av ) gjeldande kommuneplan

Arealdelen i den gjeldande arealdelen av kommuneplanen vart vedteke av kommunestyret 17.12. 2013. På bakgrunn av den vedtekte planstrategien for perioden 2016-2019, vedtok kommunestyret den 19.06.2018 å ta ut 3 bustadområde vest for Førsvik, samt å gjere nokre mindre justeringar av føresegnene.

I det same møtet vart det vedteke å setje i gong arbeidet med å rullere samfunnsdelen av kommuneplanen. Formannskapet vedtok som kommuneplanutval i møte 04.06.2019 å leggje framlegg til ny samfunnsdel ut til offentleg ettersyn.

Samfunnsdelen vart endeleg godkjent av kommunestyret i møte 01.10.2019.

Behovet for endring av den gjeldande kommuneplanen, må ta utgangspunkt i erfaringane med den gjeldande planen.

I Miljøverndepartementet si vegleiing heiter det om dette:

*«Erfaringene med (eller evaluering av) hvordan gjeldende kommuneplan har virket bør inngå som en del av grunnlaget for å vurdere planbehovet i kommunestyreperioden. Vurderingene vil omfatte to adskilte tema:*

- *Hvordan kommuneplanen har virket som politisk og administrativt styringsverktøy*
- *I hvilken grad utviklingen har gått i den retningen som var trukket opp i mål og føringer i gjeldende kommuneplan*

*Vurdering av hvordan gjeldende kommuneplan har fungert som styringsverktøy, kan omfatte;*

- *Hvordan kommuneplanen har blitt brukt som politisk styringsredskap. En eventuell evaluering må gjøres med det sittende kommunestyre.*
- *Hvordan kommuneplanen har blitt brukt som administrativt styringsredskap.*
- *Kan det gjøres endringer i kommuneplanen eller kommunens plansystem som gjør kommuneplanen mer egnet som styringsverktøy?*

*Vurderingene av hvordan kommuneplanen har fungert som styringsverktøy kan gjøres på en enkel måte av administrasjonen, eller mer omfattende som en undersøkelse.»*

Med utgangspunkt i denne vegleiinga, vart det den 27.08.2019 avhalde eit møte mellom kommuneplanutvalet (identisk med formannskapet) og administrasjonen.

Ei grov oppsummering av innspela frå kommuneplanutvalet byggjer opp under vurderinga om at det vil vera hensiktsmessig å revidera føresegnene knytt til kommuneplanen sin arealdel for på denne måten å gjera dei lesarvenlege og eintydige. Det vert vist til betydninga av å sikra eit godt samspel mellom administrasjonen og dei folkevalde i arbeidet. Det vert også peika på viktigheita av å vera praktisk orienterte i utforminga av føresegnene.

Gjeldande kommuneplan har vore ein omfattande og innhaldsrik plan fagleg og faktarelatert sett.



Kommuneplanutvalet meiner at ein, i perioden, har fulgt samfunnsutviklinga utan at dette nødvendigvis relaterer seg til planen som styrande dokument i denne prosessen. Planen har til ein viss grad fungert etter intensjonane. Ein ser behovet for auka konkretisering av komande kommuneplan, gjera den klårare og meir lesarvenleg.

Når det gjeld erfaringa med kommuneplanen som administrativt styringsverktøy, er det henta inn erfaringar frå involverte ressurspersonar i Karmøy kommune samt frå Bokn kommune.

Ei grov oppsummering av innspela frå administrasjonen tilseier at det vil vera hensiktsmessig å revidera føresegnene for på denne måten å gjera dei lesarvenlege og eintydige.

Det vil også vera hensiktsmessig å vurdere behovet for ei anna utforming av kart- data då det kart- tekniske i dag framstår som uklårt og utfordrande å finna fram i.

## Overordna føringar som har betydning for kommunen sitt planbehov

### Nasjonale forventningar

Regjeringa legg kvart fjerde år fram nasjonale forventningar til regional og kommunal planlegging for å fremje ei bærekraftig utvikling i heile landet. Dei nasjonale forventningane skal følgjast opp i fylkeskommunane og kommunane sitt arbeid med planstrategiar og planar, og leggjast til grunn for statlege mynde si medvirkad i planlegginga.

I Kommunal- og moderniseringsdepartementet si orientering om Nasjonale forventningar til regional og kommunal planlegging 2019–2023, vedteke ved kongelig resolusjon 14. mai 2019, heiter det:

*«Regjeringen vil formidle den nasjonale prioriterte politikken på en tydelig måte, slik at planleggingen i fylkeskommuner og kommuner kan skje effektivt og til beste for innbyggerne i hele landet. Samtidig styrker regjeringen det lokale selvstyret i planleggingen. Det betyr at fylkeskommunene og kommunene får økt ansvar for å sikre nasjonale og viktige regionale interesser. Regjeringen ønsker at regional og lokal samfunns- og arealplanlegging skal være basert på åpen dialog mellom alle parter, der også staten deltar. Et viktig skritt på veien er de nasjonale forventningene.*

*Regjeringen legger vekt på at vi står overfor fire store utfordringer:*

- *Å skape et bærekraftig velferdssamfunn*
- *Å skape et økologisk bærekraftig samfunn gjennom blant annet en offensiv klimapolitikk og en forsvarlig ressursforvaltning*
- *Å skape et sosialt bærekraftig samfunn*
- *Å skape et trygt samfunn for alle*

*De regionale og lokale myndighetene har sentrale oppgaver med å håndtere disse utfordringene. Det gjelder alle kommuner, uavhengig av størrelse og kompetanse. Planlegging er et av deres viktigste verktøy*

*Regjeringen har bestemt at FNs 17 bærekraftsmål, som Norge har sluttet seg til, skal være det politiske hovedsporet for å ta tak i vår tids største utfordringer, også i Norge. Det er derfor viktig at bærekraftmålene blir en del av grunnlaget for samfunns- og arealplanleggingen.»*

## Regionale føringar og planar ( Regional planstrategi)

I Miljøverndepartementet sin vegleiar knytt til utarbeiding av kommunal planstrategi, heiter det mellom anna:

*«Kommunal og regional planstrategi er to helt ulike verktøy i plansystemet. Den regionale planstrategien skal avklare hvilke regionale planer som skal utarbeides i valgperioden, og erstatter kravet om løpende fylkesplanlegging i den tidligere plan- og bygningsloven. Det er ikke lenger krav til at det skal være en samlet fylkesplan for hvert fylke.*

*Kommunene har på sin side krav om at det skal utarbeides en kommuneplan med samfunnsdel og arealdel. Den regionale planstrategien blir derved det eneste obligatoriske element for rullerende regional planlegging.*

*I regional planstrategi avklares de regionale planbehovene i fylkestingsperioden, herunder hvordan pågående og nye regionale planoppgaver skal følges opp. Den enkelte kommune har en rett og en plikt til å delta i dette arbeidet når det berører deres virkeområde (§ 8-3). Samordning av planstrategiarbeidet i en region vil være viktig for å få til en god avklaring av planbehovet i regionen, og hvordan det kan løses gjennom regional plan, interkommunalt plansamarbeid eller kommunalt planarbeid.*

*Fylkeskommunene har et særlig ansvar for å legge til rette for samhandling mellom kommunene, fylkeskommunen og regionale organer i regionens samlede planstrategiarbeid.»*

## Interkommunalt samarbeid

Om dette heiter det i Miljøverndepartementet sin vegleiar:

*«Regionale planbehov kan både løses gjennom regional planlegging og interkommunalt plansamarbeid jf. kapittel 9 i plan- og bygningsloven. Den kommunale planstrategien er også en arena for å avklare behov og planoppgaver som best kan løses gjennom interkommunalt plansamarbeid.*

*Samtidigheten i vurdering av planbehovet på tvers av kommunegrensene er et viktig grunnlag for dette. De fleste kommunene er en del av regioner eller delregioner der det vil være viktig å få vurdert prioriteringen av planoppgaver også i regional og interkommunal sammenheng.»*

## Utviklingstrekk og utfordringar

I samfunnsdelen av kommuneplanen som kommunestyret vedtok 01.10.2019 og planprogrammet for denne, er det gjort nærare greie for utviklingstrekk kommunen må ta omsyn til, slik som t.d.

- Folketalsutvikling
- Aldersamansetjing
- Demokrati
- Kommunen som organisasjon
- Folkehelse
- Samferdsel og kommunikasjon
- Klima, miljø og energi
- Økonomi og nytt inntektssystem

I kortversjonen av planen er utfordringane kommunen står ovanfor ut frå desse utviklingstrekk, oppsummert på fylgjande måte:

«*Bokn kommune*

- *-ynskjer å levere på «Alt er mogleg», men ressursane er få og små*
- *-opplever høg aktivitet i frivillig sektor, men ser auka slitasje grunna meir arbeid på færre hender*
- *-ynskjer å tilby eit tilfredstillande tenestetilbod, men grunna høgare forventningar og krav vert ein utfordra på målet kvar dag*
- *-opplever at utviklingspotensiala for framtida er uavklåra; kva vil realiseringa av Rogfast bety for kommunen?*
- *-står overfor endringar i demografiske forhold med fleire eldre og færre i arbeid som resultat*
- *-opplever strammare økonomiske rammer grunna endringar i inntektsoverføringar, lågare skatteinntekter og auka driftskostnader*
- *-opplever at klima og miljøutfordringar globalt gjer seg gjeldane i endra overvannsproblematikk lokalt»*

Basert på det skisserte utfordringsbiletet er fylgjande satsingsområde peikt ut for perioden framover:

1. Bokn kommune prioriterer for befolkningsvekst og bulyst
2. Bokn kommune prioriterer for styrka lokalt næringsliv og auka verdiskaping
3. Bokn kommune prioriterer for interkommunalt samarbeid

4. Bokn kommune prioriterer for auka samhandling og samskaping med lag, organisasjonar og andre aktørar/private

I tilknytning til dei einskilde satsingsområda er det gjort nærare greie for aktuelle tiltak for å bygge opp under desse satsingsområda, og dette er oppsummert i eit handlingsprogram som mellom anna inneheld fleire aktuelle plantiltak.

Satsingsområda og handlingsprogrammet i samsfunnsdelen må danne grunnlag for vurdering av planbehovet i inneverande valperiode.

## Vurdering av planbehovet

### Revisjon av kommuneplanen (samfunnsdel og arealdel)

I tilknytning til utarbeiding av planstrategien for 2016 – 2019, vart det gjort fylgjande vedtak:

*«Det blir ikkje gjennomført hovudrevisjon av gjeldande kommuneplan 2012-2019 i inneverande valperiode 2016-2020. Ein skal likevel gjera endringar i planen, som er naudsynte for at strategiane i dette dokumentet kan bli rettskraftige. Dette gjeld mellom anna geografisk avgrensing av ulike plankrav i sentrumsområda. Det skal arbeidast ut nye retningsliner for bygging av brygger og naust som er i samsvar med tankane i planstrategien. Økonomiplan og bustadbyggeprogram skal reviderast årleg.»*

Arealdelen i den gjeldande arealdelen av kommuneplanen vart vedteke av kommunestyret 17.12. 2013. På bakgrunn av den vedtekne planstrategien for perioden 2016-2019, vedtok kommunestyret den 19.06.2018 å ta ut 3 bustadområde vest for Føresvik, samt å gjere nokre mindre justeringar av føresegnene.

Ny samfunnsdel av kommuneplanen vart vedteke av kommunestyret 01.10.2019.

Når det gjeld vurdering av den gjeldande kommuneplanen, står kommunen ovanfor fylgjande alternativ:

- Vidareføre gjeldande plan
- Full revisjon
- Berre revisjon av samfunnsdelen eller av arealdelen

Ettersom det nyleg er gjennomført revisjon av samfunnsdelen, er det ikkje naturleg å føreta endringar i denne nå.

I arbeidet med rullering av samfunnsdelen av kommuneplanen er det avdekka tilhøve som gjer det naturleg å rullere arealdelen av planen med dei tilhøyrande føresegnene.

### Kommunedelplanar (areal eller tema)

Utarbeiding av kommunedelplanar er underlagt formelle krav til sakshandsaming inkl. utarbeiding av planprogram og offentleg ettersyn, noko som gjer at desse er ressurskrevande å lage.

I den grad det er mogeleg å velje temaplan i staden for kommunedelplan, vil dette i dei fleste tilfelle vera meir føremålstenleg.

### Større reguleringsplanar som kommunen vil utarbeide (områderegulering)

I tilknytning til planstrategien for 2016 – 2019 vart det ved gjort vedtak om at fylgjande reguleringsplanar skulle startast opp i perioden:

*«Ein skal gå vidare med områdereguleringsplan for området mellom E39 og sjøen sør for Knarholmen så snart det let seg gjera.*

*Det skal utarbeidast detaljreguleringsplan for kollektivterminal ved E39 med venterom, servicetilbod og parkeringsplassar ved E39 på Vestre Bokn.*

*Kommunen vil prioritera planar for å utvida Føresvik sentrum på Holmen og på fylling i sjøs aust og nord for Holmen. For å fremma dette prosjektet vil ein ta bustadområda B9, B10 og B13 vest for Føresvik ut av kommuneplanen. På grunn av knapp tid må saksgangen truleg bli at reguleringsplanen for sentrum - Holmen må handsamast fyrst, og at ein i ettertid legg han inn i kommuneplanen ved neste revisjon. Like eins må ein taka ut områda i vest i denne revisjonen.»*

Områdeplanen for området mellom E39 og sjøen sør for Knarholmen vart starta opp, men grunna problem med å få løyve frå ein av grunneigarane til å føreta kulturhistoriske registreringar, er arbeidet forseinka.

Løyve er no gjeve, og arbeidet med planen er sett i gong att.

Arbeidet med detaljregulering av kollektivterminal ved E39 er ikkje starta opp, ettersom ein slik plan må samordnast med områdeplanen sør for Knarholmen og tilpassast ein framtidig trase for ny E39.

I samband med justering av føresegnene til arealdelen av kommuneplanen, vart dei tre bustadområde vest for Føresvik tekne ut av planen.

Reguleringsplan for å utvida Føresvik sentrum på Holmen og på fylling i sjø aust og nord for Holmen, er ferdig og stadfest av kommunestyret.

## Tema og sektor(fag)planar som ikkje fyl plan- og bygningslova

Det er sett i gong arbeid med å laga ein kulturminneplan for kommunen. Denne vert laga som ein temaplan. Så langt er Sefrak-registeret ajourført og oppdatert digitalt, og registrering av andre aktuelle kulturminne er i gong.

Arbeidet med å lage ein hovudplan for vatn og avlaup er starta opp, likeeins arbeidet med å revidere energi- og klimaplanen.

## Matrise med oversyn over eksisterande og aktuelle planar

Som grunnlag for prioritering av planoppgåver i valperioden, er det laga eit oversyn over allereie vedtekne planar, samt planar som kan vera aktuelle å utarbeide.

I matrisa er det lagt inn framlegg til tidsplan for revisjon av dei ein skilde planane, men kommunestyret må i planstrategien gjere vedtak om kva planar som skal prioriterast i perioden. *Sjå matrise side 15- 19.*

Planoversikt	Eksisterende plan		Revisjon/Ny plan				Merknad
	VEDTATT	GJELD TIL	OPPSTART (O) VEDTAK (V)				
			2019	2020	2021	2022	
<b>Kommuneplaner (delplaner)</b>							
<b>Websak nr: 19/3191</b> <b>KOMMUNEPLANENS SAMFUNNSDEL</b> <b>2019-2031</b>	2019	2031					
<b>Websak nr:</b> <b>KOMMUNEPLANENS AREALDEL</b> <b>2012-2024</b>	2013	2024		O		V	
<b>Websak nr: 18/3336</b> <b>KOMMUNEDELPLAN</b> <i>Idrett og fysisk aktivitet 2014-2022</i>	2014	2022		O	V		
<b>Websak nr:</b> <b>KOMMUNEDELPLAN</b> <i>Kystsoneplan for Bokn kommune 2002</i>	2004	?		O		V	<i>Planen vil fungere som kunnskapsgrunnlag i arbeidet med rullering av arealdel</i>
<b>Websak nr:</b> <b>KOMMUNEDELPLAN</b> <i>Vassdragsplan Bokn kommune 1995</i>	1995	?		O	V		<i>Planen vil fungere som kunnskapsgrunnlag i arbeidet med rullering av arealdel</i>
<b>Websak nr:</b> <i>Plan for samordning offentleg/frivillig sektor</i>				O (NY)	V		

Planoversikt	Eksisterende plan		Revisjon/Ny plan				
NAVN	VEDTATT	GJELD TIL	OPPSTART (O) VEDTAK (V)				Merknad
			2019	2020	2021	2022	
<b>Reguleringsplaner</b>							
<b>Websak nr:</b> Planid.nr 201502: <b>Områdereg.plan E39 Rogfast Arsvågen Næringsområde utfylling NV7 massedeponiet</b>							Det føreligg stadfesta reguleringsplan, men basert på henvendelse frå Statens Vegvesen kan det vera aktuelt å endra denne.
<b>Websak nr:</b> Planid.nr 201503: <b>Områdereguleringsplan for Knarholmen</b>			O	V			
<b>Websak nr:</b> <b>Områdereguleringsplan for Føresvik</b>				O (NY)		V	
<b>Websak nr:</b> <b>Detaljregulering av nordre del Føresvikvegen</b>				O (NY)		V	

Planoversikt	Eksisterende plan		Revisjon/Ny plan				
NAVN	VEDTATT	GJELD TIL	OPPSTART (O) VEDTAK (V)				Merknad
			2019	2020	2021	2022	
<b>Temaplaner/Handlingsplaner/Andre</b>							
<b>Websak nr:</b> <b>Hovedplan for vann, avløp</b>			O (NY)	V			
<b>Websak nr: 19/2462 Avfallsplan for hamner i Bokn kommune</b>			OV				



<b>Websak nr:</b> <b>Energi – og klimaplan</b>	2011	2016	OV				
<b>Websak nr: 16/2040</b> <b>Trafikksikkerhetsplan</b>	2016	2020	O	V			
<b>Websak nr:</b> <b>Kulturminneplan</b>			V (NY)				
<b>Websak nr:</b> <b>Oppvekstplan</b>				O (NY)	V		
<b>Websak nr: 17/2980</b> <b>Oversiktsdokument for folkehelse</b>	2016	2019	OV				
<b>Websak nr:</b> <b>Handlingsplan for folkehelse</b>	2018	2019	O	V			
<b>Websak nr:</b> <b>Plan for rekreasjon og aktiv fritid</b>				OV (NY)			
<b>Websak nr: 15/1810</b> <b>Boligsosial handlingsplan</b>	2015	2020		O	V		
<b>Websak nr:</b> <b>Plan for fiskeri og Havbruk</b>				OV (NY)			<i>Planen (lokal/regional) vil fungere som kunnskapsgrunnlag i arbeidet med rullering av arealdel. NB Sjå i samanheng med regionalt planarbeid på området</i>
<b>Websak nr:</b> <b>Jordvernstrategi</b>				OV (NY)			<i>Strategien vil fungere som kunnskapsgrunnlag i arbeidet med rullering av arealdel</i>
<b>Websak nr:</b> <b>Helse- og omsorgsplan</b>			V (NY)				
<b>Websak nr:</b> <b>Handlingsplan Vold i nære relasjoner</b>			O	V			
<b>Websak nr:</b> <b>Smittevernplan</b>			V				
<b>Websak nr:</b> <b>Pandemiplan</b>			V				
<b>Websak nr:</b> <b>Ruspolitisk handlingsplan (fellesplan for Bokn, Lund, Forsand, Finnøy, Hjelmeland, Suldal)</b>	2014	2018		O	V		
<b>Websak nr:</b> <b>Finansreglementet</b>							Revisjonen skal komme med uttale
<b>Websak nr:</b> <b>Delegasjonsreglementet</b>							Revisjonen skal komme med uttale
<b>Websak nr:</b> <b>Bustadbyggeprogram</b>							

Planoversikt	Eksisterende plan		Revisjon/Ny plan				
NAVN	VEDTATT	GJELD TIL	OPPSTART (O) VEDTAK (V)				Merknad
			2019	2020	2021	2022	
<b>Krise/beredskapsplaner (NB. Oversikta er under bearbeiding og er ikkje endeleg)</b>							
<b>Websak nr:</b> Helhetlig ROS - analyse	2015		O	V			
<b>Websak nr:</b> Beredskapsplan for Bokn kommune	2016		OV				
<b>Websak nr:</b> Beredskapsplan for psykososialt kriseteam	2012 (2018)	2019	OV				
Helseberedskapsplan Del A-D – egne dokumenter?							
Plan for helsemessig og sosial beredskap							
Kriseplan for barnehagen							
Kriseplan for skulen							
Beredskapsplan for dam X (NVE uavklart)?							
Beredskapsplan for vannforsyning (internkontrollsystem)?							
Kriseplan for vassverket?							

Planoversikt	Eksisterende plan		Revisjon/Ny plan				
NAVN	VEDTATT	GJELD TIL	OPPSTART (O) VEDTAK (V)				Merknad
			2019	2020	2021	2022	
<b>Interkommunale (I)/regionale(R) planer</b>							
<b>Utviklingsplan næring (I)</b> <a href="https://haugalandvekst.no/content/uploads/2017/06/Vedtatt-regional-utviklingsplan-i-alle-eierkommunene-sept.2017.pdf">https://haugalandvekst.no/content/uploads/2017/06/Vedtatt-regional-utviklingsplan-i-alle-eierkommunene-sept.2017.pdf</a>	2017						Arkivert hjå Haugaland Vekst IKS
<b>Regionalplan for klimatilpassing Rogaland (R)</b>			Under utarbeiding				
<b>Avfallsplan</b>							<b>Avklare med HIM</b>
<b>Interkommunal kriseplan for olje – og kjemikalieutslepp (I)</b> <a href="https://karmsundhavn.no/iaa/">https://karmsundhavn.no/iaa/</a>							Arkivert hjå Karmsund Havn IKS, sjå link.

## Framlegg til prioritering av planoppgåver

På grunnlag av dei utfordringane som kommunen står ovanfor og dei satsingsområda som er vedteke i samsfunnsdelen av kommuneplanen, vil Bokn kommune prioritere fylgjande planarbeid i den komande valperioden:

### **Kommuneplan/kommuneldelplanar:**

1.Revidering av arealdelen av kommuneplanen (omfang av revideringa vert nærare avklara i planprogrammet)

### **Reguleringsplanar:**

- 1.Områdeplan Knarholmen
- 2.Detaljregulering av nordre del av Føresvikvegen
- 3.Områdeplan Føresvik

### **Temaplanar/sektorplanar:**

- 1.Utarbeide hovudplan VA
- 2.Revidere Energi – og klimaplan
- 3.Revidere Trafikksikkerhetsplan
- 4.Plan for samordning offentleg/frivillig sektor
- 5.Utarbeide Oppvekstplan
- 6.Revidere heilskapleg ROS
- 7.Revidere beredskapsplan
- 8.Revidere finansreglement
- 9.Revidere delegasjonsreglement
- 10.Utarbeide Plan for rekreasjon og aktiv fritid
- 11.Utarbeide Plan for fiskeri/havbruk – NB! Krever avklaring evt. regionalt planarbeid som sikrar kommunen sine planinteresser

### **Interkommunale planar:**

- 1.Evt.regionalt plansamarbeid fiskeri/havbruk – sjå pkt.11 under «Temaplanar/sektorplanar»